

摩訶般若波羅蜜經卷第四

薑四

幻人品第十一

姚秦三藏法師鳩摩羅什菩薩譯

游華刊

爾時慧命須菩提白佛言世尊若當有人問
言幻人學般若波羅蜜當得薩婆若不幻人
學禪波羅蜜毗梨耶波羅蜜羼提波羅蜜戶
羅波羅蜜檀波羅蜜學四念處乃至十八不
共法及一切種智得薩婆若不我當云何答
佛告須菩提我還問汝隨汝意答我須菩提
於汝意云何色與幻有異不受想行識與幻
有異不須菩提言不也世尊佛言於汝意云
何眼與幻有異不乃至意與幻有異不色乃
至法與幻有異不眼界乃至意識界與幻有
異不眼觸乃至意觸眼觸因緣生受乃至意
觸因緣生受與幻有異不須菩提言不也世
尊於汝意云何四念處與幻有異不乃至八
聖道分與幻有異不不也世尊於汝意云何
空無相無作與幻有異不不也世尊須菩提

於汝意云何檀波羅蜜與幻有異不乃至十
八不共法與幻有異不不也世尊須菩提於
汝意云何阿耨多羅三藐三菩提與幻有異
不不也世尊何以故色不異幻幻不異色色
即是幻幻即是色世尊受想行識不異幻幻
不異受想行識識即是幻幻即是識世尊眼
不異幻幻不異眼眼即是幻幻即是眼眼觸
因緣生受乃至意觸因緣生受亦如是世尊
四念處不異幻幻不異四念處四念處即是
幻幻即是四念處乃至阿耨多羅三藐三菩
提不異幻幻不異阿耨多羅三藐三菩提阿
耨多羅多藐三菩提即是幻幻即是阿耨多
羅三藐三菩提佛告須菩提於汝意云何幻
有垢有淨不不也世尊須菩提於汝意云何
幻有生有滅不不也世尊若法不生不滅是
法能學般若波羅蜜當得薩婆若不不也世
尊於汝意云何五受陰假名是菩薩不如是
世尊於汝意云何五受陰假名有生滅垢淨

不不也世尊於汝意云何若法但有名字非身非身業非口非口業非意非意業不生不滅不垢不淨如是法能學般若波羅蜜得薩婆若不不也世尊菩薩摩訶薩若能如是學般若波羅蜜當得薩婆若以無所得故須菩提白佛言世尊菩薩摩訶薩應如是學般若

詞四

二

勝

波羅蜜學阿耨多羅三藐三菩提如幻人何以故世尊當知五陰即是幻人幻人即是五陰佛告須菩提於汝意云何是五陰學般若波羅蜜當得薩婆若不不也世尊何以故是五陰性無所有無所有性亦不可得佛告須菩提於汝意云何如夢五陰學般若波羅蜜

可得乃至無法有法空故不可得須菩提白佛言世尊新發大乘意菩薩聞說般若波羅蜜將無恐怖佛告須菩提若新發大乘意菩薩於般若波羅蜜無方便亦不得善知識是菩薩或驚或怖或畏須菩提白佛言世尊何等是方便菩薩行是方便不驚不畏不怖佛告須菩提有菩薩摩訶薩行般若波羅蜜應薩婆若心觀色無常相是亦不可得觀受想行識無常相亦不可得須菩提是名菩薩摩訶薩行般若波羅蜜中方便復次須菩提菩薩摩訶薩應薩婆若心觀色苦相是亦不可得受想行識亦如是應薩婆若心觀色無我相是亦不可得受想行識亦如是復次須菩提菩薩摩訶薩應薩婆若心觀色空相是亦不可得受想行識亦如是觀色無作相是亦不可得受想行識亦如是觀色寂滅相是亦無所有性亦不可得六情亦如是世尊識即六情六情即是五陰如是法皆內空故不可得乃至識亦如是觀色離相是亦不可得

得乃至識亦如是是名菩薩摩訶薩行般若波羅蜜中方便復次須菩提菩薩摩訶薩行般若波羅蜜觀色無常相是亦不可得觀色苦相無我相空相無相無作相寂滅相離相是亦不可得受想行識亦如是是時菩薩作是念我當爲一切衆生說是無常法是亦不可得當爲一切衆生說苦相說無我相空相無相相無作相寂滅相離相是亦不可得是名菩薩摩訶薩檀波羅蜜復次須菩提菩薩摩訶薩不以聲聞辟支佛心觀色無常亦不可得不以聲聞辟支佛心觀識無常亦不可得不以聲聞辟支佛心觀色苦無我空無相無作寂滅離亦不可得受想行識亦如是是名菩薩摩訶薩不著尸羅波羅蜜復次須菩提菩薩摩訶薩行般若波羅蜜是諸法無常相乃至離相忍欲樂是名菩薩摩訶薩羼提波羅蜜復次須菩提菩薩摩訶薩行般若波羅蜜應薩婆若心觀色無常相亦不可得

乃至離相亦不可得受想行識亦如是應薩婆若心不捨不息是名菩薩摩訶薩毗梨耶波羅蜜復次須菩提菩薩摩訶薩行般若波羅蜜不起聲聞辟支佛意及餘不善心是名菩薩摩訶薩禪那波羅蜜復次須菩提菩薩摩訶薩行般若波羅蜜如是思惟不以空色故色空色即是空空即是色受想行識亦如是以空眼故眼空眼即是空空即是眼乃至意觸因緣生受不以空受故受空受即是空空即是受不以空四念處故四念處空四念處即是空空即是四念處乃至不以空十八不共法故十八不共法空十八不共法即是空空即是十八不共法如是須菩提菩薩摩訶薩行般若波羅蜜不驚不畏不怖須菩提白佛言世尊何等是菩薩摩訶薩善知識守護故聞說般若波羅蜜不驚不畏不怖佛告須菩提菩薩摩訶薩善知識者說色無常亦不可得持是善根不向聲聞辟支佛道但向

四
訶四

一切智是名菩薩摩訶薩善知識說受想行識無常亦不可得持是善根不向聲聞辟支佛道但向一切智是名菩薩摩訶薩善知識須菩提菩薩摩訶薩復有善知識說色苦亦不可得說受想行識苦亦不可得說色無我受想行識無我亦不可得說色空無相無作寂滅離亦不可得受想行識空無相無作寂滅離亦不可得持是善根不向聲聞辟支佛道但向一切智須菩提是名菩薩摩訶薩善知識須菩提菩薩摩訶薩復有善知識說眼無常乃至離亦不可得乃至意觸因緣生受說無常乃至離亦不可得持是善根不向聲聞

辟支佛道但向一切智是名菩薩摩訶薩善知識須菩提菩薩摩訶薩復有善知識說修四念處法乃至離亦不可得持是善根不向聲聞辟支佛道但向一切智須菩提是名菩薩摩訶薩善知識乃至說修十八不共法修一切智亦不可得持是善根不向聲聞辟支

美
詞四

五

游

佛道但向一切智是名菩薩摩訶薩善知識須菩提白佛言云何菩薩摩訶薩行般若波羅蜜無方便隨惡知識聞說是般若波羅蜜驚怖畏佛告須菩提菩薩摩訶薩離一切智心修般若波羅蜜得是般若波羅蜜念是般若波羅蜜禪那波羅蜜毗梨耶波羅蜜羼提波羅蜜尸羅波羅蜜檀那波羅蜜皆得皆念復次須菩提菩薩摩訶薩離薩婆若心觀色內空乃至無法有法空觀受想行識內空乃至無法有法空觀眼內空乃至無法有法空乃至意觸因緣生受內空乃至無法有法空乃至意觸因緣生受說於諸法空有所念有所得復次須菩提菩薩摩訶薩行般若波羅蜜離薩婆若心修四念處亦念亦得乃至修十八不共法亦念亦得如是須菩提菩薩摩訶薩行般若波羅蜜以無方便故聞是般若波羅蜜驚怖須菩提白佛言世尊云何菩薩摩訶薩隨惡知識聞般若波羅蜜驚怖畏佛告須菩提菩薩摩訶

薩惡知識教離般若波羅蜜離禪那波羅蜜檀波羅波羅蜜羼提波羅蜜尸羅波羅蜜檀那波羅蜜須菩提是名菩薩摩訶薩惡知識須菩提是名菩薩摩訶薩復有惡知識不說魔事不說魔罪不作是言惡魔作佛形像來教菩薩離不波羅蜜語菩薩言善男子用修般若波羅蜜爲用修禪波羅蜜毗梨耶波羅蜜羼提波羅蜜尸羅波羅蜜檀波羅蜜爲當知是菩薩摩訶薩惡知識復次須菩提惡魔復作佛形像到菩薩所爲說聲聞經若修妬路乃至憂波提舍教詔分別演說如是經不爲說魔事魔罪當知是菩薩摩訶薩惡知識復次須菩提惡魔作佛形像到菩薩所作是語善男子汝無真菩薩心亦非阿惟越致地汝亦不能得阿耨多羅三藐三菩提不爲說如是魔事魔罪當知是菩薩惡知識復次須菩提所語菩薩言子汝爲須陀洹果證故勤精進惡魔作佛形像到菩薩所語菩薩言善男子色空無我無我所受想行識空無我無我所

斐

訶四

六

眼空無我無我所乃至意觸因緣生受空無我無我所檀波羅蜜空乃至般若波羅蜜空四念處空乃至十八不共法空汝用阿耨多羅三藐三菩提爲如是魔事魔罪不說不教當知是菩薩惡知識復次須菩提惡魔作辟支佛身到菩薩所語菩薩言善男子十方皆空是中無佛無菩薩無聲聞如是魔事魔罪不說不教當知是菩薩摩訶薩惡知識復次須菩提惡魔作和上阿闍梨身到菩薩所教離菩薩道教離一切種智教離四念處乃至八聖道分教離檀波羅蜜乃至離十八不共法教入空無相無作作是言善男子汝修念是諸法得聲聞證用阿耨多羅三藐三菩提爲如是魔事魔罪不說不教當知是菩薩惡知識復次須菩提惡魔作父母形像到菩薩所語菩薩言子汝爲須陀洹果證故勤精進乃至阿羅漢果證故勤精進汝用阿耨多羅三藐三菩提爲求阿耨多羅三藐三菩提當

受無量阿僧祇劫生死截手截腳受諸苦痛
如是魔事魔罪不說不教當知是菩薩惡知
識復次須菩提惡魔作比丘形像到菩薩所
語菩薩言眼無常可得法乃至意無常可得
法眼苦眼無我眼空無相無作寂滅離說可
得法乃至意亦如是用有所得法說四念處

卷四

七

乃至用有所得法說十八不共法須菩提如
是魔事魔罪不說不教當知是菩薩惡知識

知已當遠離之

摩訶般若波羅蜜經句義品第十二

爾時須菩提白佛言世尊云何為菩薩句義
佛告須菩提無有義是菩薩句義何以故阿
釋多羅三藐三菩提無有義處亦無我以是
故無句義是菩薩句義須菩提譬如鳥飛虛
空無有跡菩薩句義無所有亦如是須菩提
譬如夢中所見無處所菩薩句義無所有亦如
是須菩提譬如幻無有實義如炎如響如
影如佛所化無有實義菩薩句義無所有亦

如是須菩提譬如法性法相法位實際無
有義菩薩句義無所有亦如是須菩提譬如
幻人色無有義幻人受想行識無有義菩薩
摩訶薩行般若波羅蜜菩薩句義無所有亦
如是須菩提如幻人眼無有義乃至意無有
義須菩提如幻人色無有義乃至法無有義
眼觸因緣生受乃至意觸因生受無有義菩
薩摩訶薩行般若波羅蜜菩薩句義無所有
亦如是須菩提如幻人行內空無有義乃至
行無法有法空無有義菩薩摩訶薩行般若
波羅蜜菩薩句義無所有亦如是須菩提如
幻人行四念處乃至十八不共法無有義菩
薩摩訶薩行般若波羅蜜時菩薩句義無所
有亦如是須菩提如多陀阿伽度阿羅呵三
藐三佛陀色無有義是色無有故菩薩摩訶
薩行般若波羅蜜菩薩句義無所有亦如是
須菩提如多陀阿伽度阿羅呵三藐三佛陀
受相行識無有義是識無有故菩薩摩訶薩

行般若波羅蜜時菩薩句義無所有亦如是須菩提如佛眼無處所乃至意無處所色乃至法無處所眼觸乃至意觸因緣生受無處所菩薩摩訶薩行般若波羅蜜時菩薩句義無所有亦如是須菩提如佛內空無處所乃至無法有法空無處所菩薩摩訶薩行般若波羅蜜時菩薩句義無所有亦如是須菩提如佛四念處無處所乃至十八不共法無處所菩薩摩訶薩行般若波羅蜜時菩薩句義無所有亦如是須菩提如有為性中無無為性義無為性中無有為性義菩薩摩訶薩行般若波羅蜜時菩薩句義無所有亦如是須

時菩薩句義無所有亦如是須菩提如四念處淨義畢竟不可得須菩提菩薩摩訶薩行般若波羅蜜時菩薩句義無所有亦如是須菩提如四正勤乃至十八不共法淨義畢竟不可得菩薩摩訶薩行般若波羅蜜時菩薩句義無所有亦如是須菩提如淨中我不可得我無所有故乃至淨中知者見者不可得知者見者無所有故須菩提菩薩摩訶薩行般若波羅蜜時菩薩句義無所有亦如是須菩提如不出不得不垢不淨無處所菩薩句義無所有亦如是須菩提白佛言何法不生不滅故無處所何法不作不出不得不垢不淨故無處所佛告須菩提色不生不滅

般若波羅蜜時菩薩句義無所有亦如是須菩提佛戒中無破戒須菩提菩薩摩訶薩行般若波羅蜜時菩薩句義無所有亦如是須菩提如佛定中無亂心佛慧中無愚癡佛解脫中無不解脫解脫知見中無不解脫知見須菩提菩薩摩訶薩行般若波羅蜜時菩薩句義無所有亦如是須菩提譬如佛光中日月光不現佛光中四天王三十三天夜摩天兜率陀天化樂天他化自在天梵衆天乃至阿迦尼吒天光不現須菩提菩薩摩訶薩行般若波羅蜜時菩薩句義無所有亦如是何以故是阿彌多羅三藐三菩提菩薩義

是一切法皆不合不散無色無形無對一相所謂無相如是須菩提菩薩摩訶薩一切法無礙中應當學亦應當知須菩提白佛言世尊何等是一切法云何一切法中無礙相應學應知佛告須菩提一切法者善法不善法記法無記法世間法出世間法有漏法無漏法有爲法無爲法共法不共法須菩提是名一切法菩薩摩訶薩是一切法無礙相中應學應知須菩提白佛言世尊何等名世間善法佛告須菩提世間善法者孝順父母供養沙門婆羅門敬事尊長布施福處持戒福處修禪福處勸導福處方便生福德世間十善道九想脹想血想壞想膿爛想青想噉想散想骨想燒想四禪四無量心四無色定念佛念法念僧念戒念捨念天念善念安般念身念死是名世間善法何等不善法奪他命不與取邪婬妾語兩舌惡口非時語貪瞋邪見是十不善道等是名不善法何等記法若善法若不善法是名記法何等無記法無記身業口業意業無記四大無記五陰十二入十八界無記報是名無記法何等名世間法世間法者五陰十二入十八界十善道四禪四無量心四無色定是名世間法何等名出世間法四念處四正勤四如意足五根五力七

覺分八聖道分空解脫門無相解脫門無作解脫門三無漏根未知欲知根知根知已根三三昧有覺有觀三昧無覺有觀三昧無覺無觀三昧明解脫念慧正憶八背捨何等八色觀色是初背捨內無色相外觀色是二背捨淨背捨身作證是三背捨過一切色相故減有對相故一切異相不念故入無邊空處是四背捨過一切無邊空處入一切無邊識處是五背捨過一切無邊識處入無所有處是六背捨過一切無所有處入非有想非無想處是七背捨過一切非有想非無想處是八背捨九次第定何等九離欲滅受想定是八背捨九次第定何等九離欲離惡不善法有覺有觀離生喜樂入初禪滅諸覺觀內清淨故一心無覺無觀定生喜樂入第二禪離喜故行捨受身樂聖人能說能捨念行樂入第三禪斷苦樂故先滅憂喜故不苦不樂捨念淨入第四禪過一切色相故滅有對相故一切異相不念故入無邊空處

卷四

過一切無邊空處入無邊識處過一切無邊識處入無所有處過一切無所有處入非有想處非無想處過一切非有想非無想處入滅受想定復有出世間法內空乃至無法有法空佛十力四無所畏四無礙智十八不共法一切智是名出世間法何等爲有漏法五受陰十二入十八界六種六觸六受四禪乃至四無色定是名有漏法何等爲無漏法四念處乃至十八不共法及一切智是名無漏法何等爲有爲法若法生住滅欲界色界無色界五陰乃至意識因緣生受四念處乃至十八不共法及一切智是名有爲法何等爲無爲法不生不住不滅若染盡瞋盡癡盡如不異法相法性法位實際是名無爲法何等爲共法四禪四無量心四無色定如是等是名共法何等名不共法四念處乃至十八不共法是名不共法菩薩摩訶薩於是自相空法中不應諸不動故菩薩亦應知一切法不二

相不動故是名菩薩義

摩訶般若波羅蜜經金剛品第十三

爾時須菩提白佛言世尊何以故名爲摩訶薩佛告須菩提菩薩於必定衆中爲上首是故名摩訶薩須菩提白佛言世尊何等爲必定衆是菩薩摩訶薩而爲上首佛告須菩提

必定衆者性地人八人須陀洹斯陀含阿那含阿羅漢辟支佛初發心菩薩乃至阿鞞跋致地菩薩須菩提是爲必定衆菩薩爲上首菩薩摩訶薩於是中生大心不可壞如金剛當爲必定衆作上首須菩提白佛言世尊何等是菩薩摩訶薩生大心不可壞如金剛佛告須菩提菩薩應生如是心我當代十方一切衆生

若地獄衆生若畜生衆生若餓鬼衆生受苦痛爲一一衆生無量百千億劫代受地獄中苦乃至是衆生入無餘涅槃以是法故爲是衆生受諸勤苦是衆生入無餘涅槃已然後自種善根無量百千億阿僧祇劫當得阿耨多羅三藐三菩提須菩提是爲菩薩摩訶薩生大心不可壞如金剛住是心中爲必定衆作上首復次須菩提菩薩摩訶薩生大快心住是大快心中爲必定衆作上首須菩提白脫一切衆生令入無餘涅槃我度一切衆生已無有乃至一人入涅槃者我應解一切諸法不生相我應當純以薩婆若心行六波羅三菩提不生染心瞋恚癡心不生慢心不

諸法一相智門我應當了達乃至無量相智門須菩提是名菩薩摩訶薩生大心不可壞如金剛是菩薩摩訶薩住是心中於諸必定衆而爲上首是法用無所得故須菩提菩薩摩訶薩應生如是心我當代十方一切衆生

生聲聞辟支佛心是名菩薩摩訶薩大快心
住是心中爲必定衆作上首亦不念有是心
復次須菩提菩薩摩訶薩應生不動心須菩
提白佛言云何名不動心佛言常念一切種
智心亦不念有是心是名菩薩摩訶薩不動
心復次須菩提菩薩摩訶薩於一切衆生中

卷四三

應生利益安樂心云何名利益安樂心救濟
一切衆生不捨一切衆生亦不念有是心是
名菩薩摩訶薩於一切衆生中生利益安樂
心如是須菩提是菩薩摩訶薩行般若波羅
蜜於必定衆中最爲上首復次須菩提菩薩
摩訶薩應當生欲法喜法樂法心何等是法
所謂不破諸法實相是名爲法何等名欲法
喜法信法忍法受法是名欲法喜法何等名
樂法常修行是法是名樂法如是須菩提菩
薩摩訶薩行般若波羅蜜於必定衆中能爲
上首是法用無所得故復次須菩提菩薩摩
訶薩行般若波羅蜜住內空乃至無法有法

空能爲必定衆作上首是法用無所得故復
次須菩提菩薩摩訶薩行般若波羅蜜住四
念處中乃至住十八不共法能爲必定衆作
上首是法用無所得故復次須菩提菩薩摩
訶薩行般若波羅蜜住如金剛三昧乃至離
著虛空不染三昧中住於必定衆作上首是
法用無所得故如是須菩提菩薩摩訶薩住
是諸法中能爲必定衆作上首以是因緣故
名爲摩訶薩

摩訶般若波羅蜜經斷諸見品第十四

爾時慧命舍利弗白佛言世尊我亦欲說所
以爲摩訶薩佛告舍利弗便說舍利弗言我
見衆生見壽見命見生見養育見衆數見人
見作見使作見起見使起見受見使受見知
者見見者見斷見常見有見無見陰見入見
界見諦見因緣見四念處見乃至十八不共
法見佛道見成就衆生見淨佛國土見佛見
轉法輪見爲斷如是諸見故而爲說法是名

摩訶薩須菩提語舍利弗言何因緣故色見是見何因緣故受想行識乃至轉法輪見是名為見舍利弗語須菩提薩摩訶薩行般若波羅蜜無方便故於色生見用有所得故於受想行識乃至轉法輪生見用有所得故菩薩摩訶薩行般若波羅蜜以方便力斷是

美

摩訶薩

占

諸見網故而爲說法用無所得故尔時須菩提白佛言世尊我亦欲說所以爲摩訶薩佛言便說須菩提言世尊是阿耨多羅三藐三菩提心無等等心不共聲聞辟支佛心何以故是一切智心無漏不繫故是一切智心無漏不繫中亦不著以是因緣故名摩訶薩舍

薩摩訶薩無等等心不共聲聞辟支佛心舍利弗語須菩提何等爲菩薩摩訶薩無等等心不共聲聞辟支佛心須菩提言菩薩摩訶薩從初發意已來不見法有生有滅有增有減有垢有淨舍利弗若法無生無滅乃至無垢無淨是中無聲聞心無辟支佛心無阿耨多羅三藐三菩提心無佛心舍利弗是名菩

亦不著舍利弗語須菩提凡人心亦無漏不繫性空故諸聲聞辟支佛心諸佛心亦無漏不繫性空故須菩提言如是舍利弗舍利弗言須菩提色亦無漏不繫性空故受想行識亦無漏不繫性空故乃至意識因緣生受亦無漏不繫性空故須菩提言尔舍利弗言四

美

詞五

五

念處亦無漏不繫性空故乃至十八不共法亦無漏不繫性空故須菩提言尔如舍利弗所言凡夫人心亦無漏不繫性空故乃至十八不共法亦無漏不繫性空故舍利弗語須菩提如須菩提所說空無心故不著是心須菩提色無故不著色受想行識乃至意識因

緣生受無故不著受四念處無故不著四念處乃至十八不共法無故不著十八不共法須菩提言如是舍利弗色無故不著色乃至十八不共法無故不著十八不共法如是舍利弗善薩摩訶薩行般若波羅蜜以阿耨多羅三藐三菩提心無等等心不共聲聞辟支佛心不念有是心亦不著是心用一切法無所得故以是故名摩訶薩

摩訶般若波羅蜜經辯才品第十五

余時富樓那彌多羅尼子白佛言世尊我亦樂說所以爲摩訶薩佛言便說富樓那彌多羅尼子言是菩薩大誓莊嚴是菩薩發趣大乘是菩薩乘於大乘以是故是菩薩名摩訶薩舍利弗語富樓那言云何名菩薩摩訶薩大誓莊嚴富樓那語舍利弗菩薩摩訶薩分別爲余所人故住檀波羅蜜行檀波羅蜜爲一切衆生故住檀波羅蜜行檀波羅蜜不爲余所人故住尸波羅蜜行尸波羅蜜等提

波羅蜜毗梨耶波羅蜜禪波羅蜜般若波羅蜜爲一切衆生故住般若波羅蜜行般若波羅蜜菩薩摩訶薩大誓莊嚴不齊限衆生我當度若干人不度餘人不言我令若干人至阿耨多羅三藐三菩提餘人不至是菩薩摩訶薩普爲一切衆生故大誓莊嚴復作是念我當自具足檀波羅蜜亦令一切衆生行檀波羅蜜自具足尸波羅蜜等提波羅蜜毗梨耶波羅蜜禪波羅蜜自具足般若波羅蜜亦令一切衆生行般若波羅蜜復次舍利弗菩薩摩訶薩行檀波羅蜜時所有布施應薩婆若心共一切衆生迴向阿耨多羅三藐三菩提

提舍利弗是名菩薩摩訶薩行檀波羅蜜時檀波羅蜜大誓莊嚴復次舍利弗菩薩摩訶薩行檀波羅蜜時應薩婆若心布施不向聲聞辟支佛地舍利弗是名菩薩摩訶薩行檀波羅蜜時尸波羅蜜大誓莊嚴復次舍利弗菩薩摩訶薩行檀波羅蜜時應薩婆若心布

施是諸施法信忍欲是名行檀波羅蜜時羼
提波羅蜜大誓莊嚴復次舍利弗菩薩摩訶
薩行檀波羅蜜時應薩婆若心布施勤修不
息是名行檀波羅蜜時毗梨耶波羅蜜大誓
莊嚴復次舍利弗菩薩摩訶薩行檀波羅蜜
時應薩婆若心布施攝心不起聲聞辟支佛

意是名行檀波羅蜜時禪波羅蜜大誓莊嚴
復次舍利弗菩薩摩訶薩行檀波羅蜜時應
薩婆若心布施觀諸法如幻不得施者不得
所施物不得受者是名行檀波羅蜜時般若
波羅蜜大誓莊嚴如是舍利弗菩薩摩訶薩
應薩婆若心不取不得諸波羅蜜相當知是

菩薩摩訶薩大誓莊嚴復次舍利弗菩薩摩
訶薩行尸波羅蜜時應薩婆若心布施共一
切衆生迴向阿耨多羅三藐三菩提是名菩
薩摩訶薩行尸波羅蜜時檀波羅蜜復次舍
利弗菩薩摩訶薩行尸波羅蜜時是諸法信
忍欲是名菩薩摩訶薩行尸波羅蜜時羼提

美訶四

波羅蜜復次舍利弗菩薩摩訶薩行尸波羅
蜜時勤修不息是名菩薩摩訶薩行尸波羅
蜜時毗梨耶波羅蜜復次舍利弗菩薩摩訶
薩行尸波羅蜜時不受聲聞辟支佛心是名
菩薩摩訶薩行尸波羅蜜時禪波羅蜜復次
舍利弗菩薩摩訶薩行尸波羅蜜時觀一切
法如幻亦不念有是戒用無所得故是名菩
薩摩訶薩行尸波羅蜜時般若波羅蜜如是
舍利弗菩薩摩訶薩行尸波羅蜜時攝諸波
羅蜜以是故名大誓莊嚴復次舍利弗菩薩
摩訶薩行羼提波羅蜜時應薩婆若心布施
共一切衆生迴向阿耨多羅三藐三菩提是
爲菩薩摩訶薩行羼提波羅蜜時檀波羅蜜
復次舍利弗菩薩摩訶薩行羼提波羅蜜時
不受聲聞辟支佛心但受薩婆若心是名菩
薩摩訶薩行羼提波羅蜜時尸波羅蜜復次
舍利弗菩薩摩訶薩行羼提波羅蜜時應薩
婆若心身心精進不休不息是名菩薩摩訶

薩行羣提波羅蜜時毗梨耶波羅蜜復次舍利弗菩薩摩訶薩行羣提波羅蜜時攝心一處雖有苦事心不散亂是名菩薩摩訶薩行羣提波羅蜜時禪波羅蜜復次舍利弗菩薩摩訶薩行羣提波羅蜜時應薩婆若心觀諸法空無作者無受者若有呵罵割截者心如幻如夢是名菩薩摩訶薩行羣提波羅蜜時般若波羅蜜復次舍利弗菩薩摩訶薩行毗梨耶波羅蜜時應薩婆若心布施不令身心懈怠是名菩薩摩訶薩行毗梨耶波羅蜜時檀波羅蜜復次舍利弗菩薩摩訶薩行毗梨耶波羅蜜時應薩婆若心始終具足清淨持戒是名菩薩摩訶薩行毗梨耶波羅蜜時尸波羅蜜復次舍利弗菩薩摩訶薩行禪波羅蜜時應薩婆若心慈悲定故忍諸惱害是名菩薩摩訶薩行禪波羅蜜時羣提波羅蜜復次舍利弗菩薩摩訶薩行禪波羅蜜時應薩婆若心於禪不味不著常求增進從一禪至次舍利弗菩薩摩訶薩行毗梨耶波羅蜜時應薩婆若心攝心離欲入諸禪定是名菩薩

詞四

大

摩訶薩行毗梨耶波羅蜜時禪波羅蜜復次舍利弗菩薩摩訶薩行毗梨耶波羅蜜時應薩婆若心不取一切諸法相於不取相亦不著是名菩薩摩訶薩行毗梨耶波羅蜜時般若波羅蜜如是舍利弗菩薩摩訶薩行毗梨耶波羅蜜時攝諸波羅蜜復次舍利弗菩薩摩訶薩行禪波羅蜜時應薩婆若心定心布施不令心亂是名菩薩摩訶薩行禪波羅蜜時檀波羅蜜復次舍利弗菩薩摩訶薩行禪波羅蜜時應薩婆若心持戒禪定力故破戒諸法不令得入是名菩薩行禪波羅蜜時尸波羅蜜復次舍利弗菩薩摩訶薩行禪波羅蜜時應薩婆若心慈悲定故忍諸惱害是名菩薩摩訶薩行禪波羅蜜時羣提波羅蜜復次舍利弗菩薩摩訶薩行禪波羅蜜時應薩婆若心於禪不味不著常求增進從一禪至一禪是名菩薩摩訶薩行禪波羅蜜時毗梨耶波羅蜜復次舍利弗菩薩摩訶薩行禪波羅蜜時應薩婆若心攝心離欲入諸禪定是名菩薩

羅蜜時應薩婆若心於一切法無所依止亦不隨禪生是名菩薩摩訶薩行禪波羅蜜時般若波羅蜜如是舍利弗菩薩摩訶薩行禪波羅蜜時攝諸波羅蜜復次舍利弗菩薩摩訶薩行般若波羅蜜時應薩婆若心布施內外所有無所愛惜不見與者受者及以財物

美

詞四

九

游

是名菩薩摩訶薩行般若波羅蜜時檀波羅蜜復次舍利弗菩薩摩訶薩行般若波羅蜜時應薩婆若心持戒破戒二事不見故是名菩薩摩訶薩行般若波羅蜜時尸波羅蜜復次舍利弗菩薩摩訶薩行般若波羅蜜時應薩婆若心不見呵者罵者打者殺者亦不見用是空能忍辱是名菩薩摩訶薩行般若波羅蜜時羼提波羅蜜復次舍利弗菩薩摩訶薩行般若波羅蜜時應薩婆若心觀諸法畢竟空以大悲心故行諸善法是名菩薩摩訶薩行般若波羅蜜時毗梨耶波羅蜜復次舍利弗菩薩摩訶薩行般若波羅蜜時應薩婆

若心入禪定觀諸禪離相空相無相作相是名菩薩摩訶薩行般若波羅蜜時禪波羅蜜如是舍利弗菩薩摩訶薩行般若波羅蜜時攝諸波羅蜜舍利弗如是名爲菩薩摩訶薩大誓莊嚴是大誓莊嚴菩薩十方諸佛歡喜於大衆中稱名讚歎某國土某菩薩摩訶薩大誓莊嚴成就衆生淨佛國土慧命舍利弗問富樓那彌多羅尼子云何菩薩摩訶薩發趣大乘富樓那語舍利弗菩薩摩訶薩行六波羅蜜離諸欲惡不善法有覺有觀離生喜樂入初禪乃至入第四禪中以慈廣大無二無量無怨恨無惱心行遍滿一方二三四方四維上下遍一切世間悲喜捨心亦如是菩薩入禪時起時諸禪無量心及枝共一切衆生迴向薩婆若是名菩薩摩訶薩禪波羅蜜發趣大乘是菩薩摩訶薩住禪無量心作是念我當得一切種智爲斷一切衆生煩惱故當說法是名菩薩摩訶薩行禪波羅

蜜時檀波羅蜜若菩薩摩訶薩應薩婆若心修初禪住初禪二三四禪亦如是不受餘心所謂聲聞辟支佛心是名菩薩摩訶薩行禪波羅蜜時尸波羅蜜若菩薩摩訶薩應薩婆若心入諸禪作是念我爲斷一切衆生煩惱故當說法是諸心欲樂忍是名菩薩摩訶薩

美
詞四王

行禪波羅蜜時羼提波羅蜜若菩薩摩訶薩應薩婆若心入諸禪諸善根皆迴向薩婆若勤修不息是名菩薩摩訶薩行禪波羅蜜時毗梨耶波羅蜜若菩薩摩訶薩應薩婆若心生四禪及技觀無常相苦相無我相空相無相相無作相共一切衆生迴向薩婆若是名菩薩摩訶薩行禪波羅蜜時般若波羅蜜舍利弗是名菩薩摩訶薩發趣大乘復次菩薩摩訶薩發趣大乘行慈心作是念我當安樂一切衆生入悲心我當救濟一切衆生入喜心我當度一切衆生入捨心我當令一切衆生得諸漏盡是名菩薩摩訶薩行無量心時

檀波羅蜜復次菩薩摩訶薩是諸禪無量心不向聲聞辟支佛地但迴向薩婆若是名菩薩摩訶薩行無量心時尸波羅蜜復次舍利弗菩薩摩訶薩行四無量心不貪聲聞辟支佛地但忍樂欲薩婆若是名菩薩摩訶薩行無量心時羼提波羅蜜若菩薩摩訶薩應薩婆若心行四無量心但行清淨行是名菩薩摩訶薩行無量心時毗梨耶波羅蜜復次菩薩摩訶薩入禪入無量心時亦不隨禪無量心生是名菩薩摩訶薩行無量心時方便般若波羅蜜舍利弗是名菩薩摩訶薩發趣大乘復次舍利弗菩薩摩訶薩發趣大乘一切種修四念處乃至一切種修八聖道分一切種修三解脫門乃至十八不共法是名菩薩摩訶薩發趣大乘復次舍利弗菩薩摩訶薩內空中智慧用無所得故乃至無法有法空中智慧用無所得故是名菩薩摩訶薩發趣大乘復次舍利弗菩薩摩訶薩一切法中不

亂不定智慧是名菩薩摩訶薩發趣大乘復次舍利弗菩薩摩訶薩發趣大乘非常非無常智慧非樂非苦非實非虛非我非無我智慧是名菩薩摩訶薩發趣大乘用無所得故復次舍利弗菩薩摩訶薩智不行過去世不行未來世不行現在世亦非不知三世是名菩薩摩訶薩發趣大乘用無所得故復次菩薩摩訶薩發趣大乘智不行欲界不行色界不行無色界亦非不知欲界色界無色界用無所得故舍利弗是名菩薩摩訶薩發趣大乘復次菩薩摩訶薩發趣大乘智不行世間法不行出世間法不行有爲法不行無爲法不行有漏法不行無漏法亦非不知世間法出世間法有爲無爲有漏無漏法用無所得故舍利弗是名菩薩摩訶薩發趣大乘摩訶般若波羅蜜經乘大乘品第十六

波羅蜜亦不得菩薩亦不得受者是法用無所得故是名菩薩摩訶薩乘檀波羅蜜菩薩摩訶薩行般若波羅蜜禪波羅蜜乘般若波羅蜜毗梨耶波羅蜜禪波羅蜜乘般若波羅蜜亦不得般若波羅蜜亦不得菩薩是法用無所得故是爲菩薩摩訶薩乘於般若波羅蜜如是舍利弗是爲菩薩摩訶薩乘於大乘復次舍利弗菩薩摩訶薩摩訶衍一心應薩婆若修四念處法壞故乃至一心應薩婆若修十八不共法法壞故是亦不可得如是舍利弗是名菩薩摩訶薩乘於大乘復次舍利弗善薩摩訶薩作是念菩薩但有名字衆生不可得故是名菩薩摩訶薩乘於大乘復次舍利弗菩薩摩訶薩作是念色但有名字色不可得故受想行識但有名字識不可得故眼但有名字眼不可得故乃至意亦如是四念處但有名字四念處不可得故乃至八聖

道分但有名字八聖道分不可得故內空但有名字內空不可得故乃至無法有法空但有名字無法有法空不可得故乃至十八不共法但有名字十八不共法不可得故諸法如但有名字如不可得故法相法性法位實際但有名字實際不可得故阿彌多羅三藐

三菩提及佛但有名字佛不可得故如是舍利弗是名菩薩摩訶薩乘於大乘復次舍利弗菩薩摩訶薩從初發意已來具足菩薩神通成就衆生從一佛國至一佛國恭敬供養尊重讚歎諸佛從諸佛聽受法教所謂菩薩大乘是菩薩乘此大乘從一佛國至一佛國淨佛國土成就衆生初無佛國想亦無衆生想此人住不二法中爲衆生受身隨其所應自變其形而教化之乃至一切智終不離菩薩乘是名菩薩乘是乘得一切種智已轉法輪聲聞辟支佛及天龍鬼神阿脩羅世間人民所不能轉尔時十方如恒河沙等諸佛皆

歡喜稱名讚歎作是言某方某國某菩薩摩訶薩乘於大乘得一切種智轉法輪舍利弗是名菩薩摩訶薩乘於大乘

沈茂敬書

摩訶般若波羅蜜經卷第四
薑四都勸緣檀越成忠郎趙安國一力刊此經三十卷

摩訶般若波羅蜜經卷第五

姚秦三藏法師鳩摩羅什共僧叡譯

薑五

莊嚴品第十七

余時湏菩提白佛言世尊菩薩摩訶薩大莊嚴何等是大莊嚴何等菩薩能大莊嚴佛語湏菩提菩薩摩訶衍大莊嚴所謂檀

一

梵

那波羅蜜乃至般若波羅蜜莊嚴四念處莊嚴乃至八聖道分內空莊嚴乃至無法有法空十力乃至十八不共法及一切種智莊嚴變身如佛莊嚴光明遍照三千大千國土亦照東方如恒河沙等國土南西北方四維上下亦復如是三千大千國土六種震動亦動